

Канон преподобному Паисию Великому

Память празднуем 19 июня (2 июля)

Тропарь, глас 2-й

Божественною любовью от юности распалюемъ, преподобне, вся красная яже в мире возненавиде, Христа Единого возлюбил еси, сего ради в пустыню вселился, идеже сподобися Божественнаго посещения, Егоже неудобь зрети и ангельскими очима, паде поклонися. Великий же Дародатель, яко Человеколюбец, рече к тебе: не ужасайся, возлюбленный Мой, дела твоя угодна Мне. Се, даю тебе дар: о ком либо грешнице помолитися, отпустятся ему греси. Ты же в чистоте сердца твоего возгорися, прием воду и прикоснуса Неприкосновенному, умы нозе Его, и воду пив, даром чудес обогатися, болящия исцеляти, бесы от человек отгоняти и грешники от муки молитвою своею избавляти. О, преподобне отче Паисие, молю тя, да умолиши и о мне, якоже тебе Бог обетова, ибо от сих грешник первый аз есмь, да даст ми Господь время покаяния, и простит мое согрешение, яко Благий и Человеколюбец, да со всеми и аз воспою Ему: аллилуиа.

Канон, глас 6-й

Песнь 1

Ирмос. Помощник и Покровитель бысть мне во спасение, сей мой Бог, и прославлю Его, Бог отца моего и вознесу Его, славно бо прославися.

Припев: Преподобне отче Паисие Великий, моли Бога о нас.

Иже вся умудряющему Богу молися, преподобне отче, о рабе своем, да отверзет ми устне недостойнии, и двинет ми язык недоуменный, тесноту же и худогласие, отче, разверзи благодатию, иже в тебе Святаго Духа к пению чудес твоих.

Преподобне отче Паисие Великий, моли Бога о нас.

Начну́ убо достохва́льное и душеполе́зное жити́е тво́е от младе́нства, иже дрéвле Египет вели́каго во проро́цах произнесе́ Моисе́я, иже к Бо́гу присво́ением и вели́кими чудесы́ просла́вился, та́ко и ны́не втори́цею просла́влен показáся Египет тебе́ ра́ди, о́тче Па́исие, честны́м и́менем тво́им и мно́гими добродéтелями обогати́ся, е́же дарова́ тебе́ Господь, Егóже моли́, да спасе́т ду́ши на́ша.

Слава: В Ца́рство Небе́сное вшед у́зким путе́м и приско́рбным по за́поведи Влады́ки свое́го, Христа́, преподо́бне о́тче Па́исие, широ́кий и простра́нный путь возненави́дев, распро́странившийся мрак ума́ моего́ отжени́, да возмогу́ ма́лое моё моле́ние принести́ в пречестну́ю па́мять твою́.

И ны́не: Дух сокруше́н пода́ждь ми, Благо́я, смире́нно се́рдце, уму́ же чистоту́ и жити́ю исправле́ние, и прегреше́нием оставле́ние.

Песнь 3

Ирмос. Утверди́, Го́споди, на ка́мени за́поведей Твои́х подвигше́ея се́рдце моё, я́ко Еди́н Свят еси́ и Господь.

Преподо́бне о́тче Па́исие Вели́кий, моли́ Бо́га о нас.

Ка́меню ве́ры – Петру́ апо́столу – уподо́бился еси́, распы́ться ми́рови во всей жи́зни свое́й, преподо́бне Па́исие, и но́зе свои́ невозврати́ к Небе́сному ше́ствию упра́вил еси́, и Го́рняго Иерусали́ма дости́гл еси́, со святы́ми предсто́я Святе́й Трои́це, моли́ о мне еди́наго Благо́го Человеколю́бца.

Преподо́бне о́тче Па́исие Вели́кий, моли́ Бо́га о нас.

Благочести́ваго ко́рене пресве́тлая о́трасль, тебе́ избра́ Господь, А́нгел рече́ ма́тери тво́ей: сей Бо́гу уго́ден. Ты же от младе́нства крест свой́ взем, невозврати́тым путе́м Тому́ послéдова, и возраста́ше ле́ты и ра́зумом, кúпно и благода́тию Бо́жиею. Моли́ да́ти ми отпу́щение грехо́в.

Слава: О, Влады́ко Го́споди Иису́се Христэ́, кто не удиви́тся Твоему́ человеколю́бию, егда́ прииде́ желáние преподо́бному ино́ческое жити́е получи́ти к де́ланию за́поведей Твои́х, Твоею́ благода́тию, я́ко а́гнец непоро́чен, изведе́ся в пусты́ню, и дости́же словéсных овец, и введе́ся к па́стырю, блаже́нному

Памве, и облечёся в иноческий образ, в нёмже утверди и мене, Господи, молитвами преподобнаго Паисия, к деланию заповедей Твоих.

И ныне: Лютых мя мук, и тмы кромешныя и геенны Твоими молитвами свободи, Дево, имаши бо волю и силу, Господа рождающая Единого Преподобнаго.

Седален, глас 2-й

Душу связав любовью Христовою и земная возненавидев вся, мудре, водворился еси, отче преподобне, в пустынях и горах, разумнаго древа вкусив еси, славне, ангельски просиял еси. Темже и мрак прошед плоти своея, тму отгнал еси бесов, Паисие, инокующим первый, моли Христа Бога грехов оставление подати чтущим любовью святую память твою.

Песнь 4

Ирмос. Услыша пророк пришествие Твое, Господи, и убояся, яко хочещи от Девы родиться и человеком явиться, и глаголаше: услышах слух Твой и убояхся, слава силе Твоей, Господи!

Преподобне отче Паисие Великий, моли Бога о нас.

Законострадавшее житие от мягких ногтей восприим, богомудре Паисие, даже до конца пребыл еси Божественен доблественник, венец приял еси победы от всех Царствующаго молитвами своими избавляти от муки грешники, от них же первый есмь аз, не забуди мене.

Преподобне отче Паисие Великий, моли Бога о нас.

Имуще тя молитвенника крепка, блаженне Паисие, и обещника печальным, предстателя и поборника и ходатая благочестна, от всяких спасаемся бед, напастей и обстояний.

Слава: Велию судьб бездну имеяй, Тоя тебе рече: се, бо даю ти дар, да вся еже просиши от Отца Моего во имя Мое, дастся тебе, о ком либо грешнике помолитиши, оставятся греси того: сего ради припадаю ти, отче Паисие, имея бездну согрешений, да отпустит твоими молитвами иже тебе обетова, яко Благ и Человеколюбец.

И ныне: Глагол провещай, егда право имама судитися, Богородительнице, к Сыну Твоему, Пренепорочная, да обрящу Тя тогда прибежище и заступление, мук всех избавляющи.

Песнь 5

Ирмос. Из нощи утреннююща, Человеколюбче, просвети, молюся, и настави мя на повеления Твоя, и научи мя, Спасе, творити волю Твою.

Преподобне отче Паисие Великий, моли Бога о нас.

Постом удручая тело свое отче Паисие, иногда по причащении Тела и Крови Христовы, яко Ангел седьмидесяти дней без пищи телесныя пребыл еси, Божественную державу неизреченную имея, и возмог в себе животную содержать силу благодатию, паче пищевого укрепления, слава державе Твоей, Господи.

Преподобне отче Паисие Великий, моли Бога о нас.

Яко Иоанн Креститель узким и прискорбным путем ходити произволил еси. Но той на Иордане, узрев Зиждителя своего, устрася и вопияше: не смею приступите сего Огню; ты же, отче Паисие, в пустыне иногда являшагося Господа, не могый пречистаго Лица Его зрети, паде, трепетом одержим. Он же ти рече: не устрашайся, сию пустыню наполю спостники тебе. С нимиже молим, отче, не забуди нас, молитвенник твоих, помилованным быти.

Слава: Аз бо в начале моя пред Тобою зрю согрешения, и о моих беззаконных молю Твое милосердие, да простиши и покрыеши благоутробием Твоим множество грехов моих, и даждь ми прочее жизни сей время безгрешно проводитьи, да, удобь на спасения стезю потек, безпреткновенно к доброму концу достигну Твоею помощию, кроме бо Твоея помощи и наставления ничтоже благо совершити, и милость у Тебе получитьи кто может.

И ныне: Рабское приношу Ти моление, неразумный аз, и к Твоему прибегаю благоутробному милосердию, не отврати мене, Чистая, посрамлена.

Песнь 6

Ирмос. Возопих всем сердцем моим к щедрому Богу, и услыша мя от ада преисподняго, и возведе от тли живот мой.

Преподобне отче Паисие Великий, моли Бога о нас.

Бездушная тварь, Иордан, своего Творца устыдися, вопияше: не могу Безгрешнаго омыти. Святый же виде Господа, прием воду, прикоснуса Неприкосновенному, умы ноге Его. И пив воду, прия дар целити недуги и прогоняти от человек бесы. Сего ради и мы припадаем ти, отче: молитвами твоими помилуй нас от всяких бесовских наведений.

Преподобне отче Паисие Великий, моли Бога о нас.

По слову Господа нашего Иисуса Христа, обретохом тя, отче Паисие, великое прибежище, и заступника и тепла молитвенника о гресех наших, яко же первее не отверже инока претавльшася, и христианства отчуждишася и во глубину адову пагубным безверием низведся, и егда ощутився притекша к тебе, да умолиши Всемилостиваго. Щедрый же Господь явися тебе и глагола: угодниче Мой, добро есть Моей любви подобяся, печешися о грешных, изволяя муки прияти за их избавление.

Преподобне отче Паисие Великий, моли Бога о нас.

Принесеса молитва твоя и слезы к Богу, яко благовонный фимиам и жертва непорочна и благоприятна, и мене не забуди ходатайством твоим ко Пресвятей Богородице, слезы умиления дати ми, омый грехов моих бездну, избави мя от смертныя глубины, и не надеющимся подаждь велию милость, и прости им согрешения.

Слава: Весь недоумением держим есмь, егда приму во уме той час страшный испытания Судий и Бога, и плачуся, и сетую, и рыдаю, поминая бездну зол моих. Темже спаси, Человеколюбче, молитвами Твоего угодника преподобнаго Паисия и избави мя муки, яко Благоутробен.

И ныне: От сердца стенания приношаю Ти, Пренепорочная, Твое прося благопробитное заступление. Помилуй всестрастную мою душу, умилосердися, Мати Многомилостиваго Бога,

избавити мя Судá и ёзера о́гненнаго.

Господи, помилуй (трижды).

Кондак, глас 2-й.

Житёйских молв оставль, безмóльное житиё возлюбил еси́, Крестителю подобяся всёми образы, с нимже ты почитаем, óтче отцев Паисие.

Икос.

Христов глас услышав, шествовал еси́ во след Того́ заповедей, наг жития́ быв, отвёрг попечения, и вся стяжания, и имения, и братьий своих, и любве́ матере, Богонóсне Паисие, еди́н в пустынях Бóгови беседуя разумом, дарования приял еси́, еже ми послí в пёснях поющему, отцев начальниче, Паисие.

Песнь 7

Ирмос. Согреши́хом, беззакóнновахом, неправдовахом пред Тобо́ю, ниже́ соблюдо́хом, ниже́ сотвори́хом, я́коже заповедал еси́ нам, но не преда́ждь нас до конца́, отцев Бóже.

Преподо́бне óтче Паисие Вели́кий, моли́ Бóга о нас.

Мно́гих грехов испóлнен аз, и тво́я моли́тва я́ко кади́ло благово́нно исправися, óтче. Бёздну грехов мо́их потреби́, и бу́яющее мо́ре зла́го жития́ изсуши́, и напоёние гнёвное отжени́, и целомудренны́й ум моли́твами твоими́ утверди́, óтче Паисие.

Преподо́бне óтче Паисие Вели́кий, моли́ Бóга о нас.

Наста́вника ты и моли́твенника тёпла иму́щи, и ско́раго помощника, я́ко стёну твёрду и забра́ло недви́жимо и воево́ду крёпка и непобеди́ма, мо́лим ты: не забуди́ моли́твенник твои́х, избавля́я от вся́кия печа́ли и наве́т вра́жиих.

Преподо́бне óтче Паисие Вели́кий, моли́ Бóга о нас.

О, чу́до ве́лие, во еди́н от дней сидя́щу ты, óтче Паисие, в пещёре, бысть ти глас глаго́ляй: мир тебе́, возлю́бленному Моему́ уго́днику, ты же возста́в со стра́хом и трёпетом одержи́мь, паде́, поклонися и рече́: се раб Тво́й, Господи. Сего́

ради молим тя: моли́ Человеколю́бца, да спасёт ду́ши на́ша.

Слава: Даждь ми, Христе́, ра́зум и терпе́ние, е́же не осужда́ти согреша́ющих с киче́нием фари́сейским, но я́ко мытаре́во пока́ние приими́, и я́ко блу́днаго сы́на, Бо́же, ве́чера Твоея́ досто́йна мя яви́, моли́твами преподо́бнаго Па́йсия, и грехо́в прощ́ение ми да́руй.

И ныне: Возни́кни, о, стра́стная душе́, возста́ни ока́янная, бий из глубины́ в пе́рси, и испусти́ слез исто́чники, да ты помилует, ока́янную, Милосе́рдая Ма́ти Христа́ Бо́га.

Песнь 8

Ирмос. Егóже во́инства небéсная сла́вят и трепещут Херувими́ и Серафими́, вся́ко дыха́ние и тварь, по́йте, благослови́те и превозноси́те во вся ве́ки.

Преподо́бне о́тче Па́йсие Вели́кий, моли́ Бо́га о нас.

Благодарно́ приносимо́е тебе́ пение́ сие́ не прэ́зри, о́тче Па́йсие, но па́че приими́ и ра́дости духо́вныя испóлни, да без зако́снения́ поклоню́ся твоему́ о́бразу, иде́же есть написан, исцелéния всем подава́ющ.

Преподо́бне о́тче Па́йсие Вели́кий, моли́ Бо́га о нас.

Всепрему́дрому жити́ю поревновáв Богоугóдных о́тц, и́же от ве́ка поживших, о́тче Па́йсие, во смире́нии и по́стничестве Христа́ ра́ди всю жизнь свою́ му́ченически сконча́л еси́, и от бесо́в нападе́ния мно́го претерпéл еси́, и сих победив. Сего́ ра́ди молю́ тя, о́тче: буйство́, я́рость и небреже́ние моли́твами твои́ми отри́ни от мене́.

Преподо́бне о́тче Па́йсие Вели́кий, моли́ Бо́га о нас.

Влады́ко Христе́ Бо́же Всеще́дрый, и́миже ве́си судьба́ми, даждь ми ненави́дети дея́нии лука́ваго, Ты бо еси́ Бог наш, рекий: проси́те и при́имете. Даждь любóвь от всея́ души́ моея́, моли́твами преподо́бнаго о́тца Па́йсия, твори́ти во́лю Твою́ спаси́тельную.

Слава: Молю́тиса, на мене́, грéшнем, долготерпи́, Влады́ко, и не посецы́ мене́ я́ко непло́дное дре́во, посече́нием сме́ртным во огонь отсыла́я, но плодоно́сна мя сотвори́, моли́твами преподо́бнаго умоле́н быва́я, вре́мя пока́ния ми даждь, я́ко

Человеколюбец.

И ныне: Струи низпосли слез и стенания от души сотвори ми, Чистая, внигда припадати Твоему покрову, яко да обрящу разрешение грехов моих Твоею милостию.

Песнь 9

Ирмос. Еже радуися от Ангела приимшая, и рождающая Создателя Своего, Дево, спасай, Тя величающая.

Преподобне отче Паисие Великий, моли Бога о нас.

Скорый помощник был еси, преподобне, еще в жизни сей, иногда у преподобнаго старца ученику в преслушании умершу, и ведену во ад, он же припадаше, прося, да умолиши Всещедраго о ученице его. Ты же, яко скорый послушник и любве хранитель, надежду возложи ко Всещедрому Богу прострися на молитву, и Той Многомилостив и во обетех неложный, волю к боящимся Его сотвори, и молитву твою услышав, изведе душу от ада. Того ради и аз недостойный, припадая, молю тя, отче преподобне, молитвами твоими избави мя муки и огня негасимаго.

Преподобне отче Паисие Великий, моли Бога о нас.

Бывша мя бесом смех, человеком унижение, праведным рыдание, Ангелом плач, осквернение воздуха, и земли, и водам, тело окалях и ум оскверних паче слова деяньми, аз враг Богу бых. Увы мне, согреших! Молитвами преподобнаго Паисия прости мя.

Слава: Яко впадый в разбойники и уязвен, тако и аз впадох от многих грехов и уязвена ми есть душа. К кому прибегну повинный, токмо к Тебе, Милосердному душам Врачу, приими молебника тепла преподобнаго Паисия, и молитвами его излей на мя великую Твою милость.

И ныне: Прегрешении мой умножиша, прошению и суду достоин, Чистая, припадая зову Ти: прежде конца подаждь ми очищение и умиление, и нравом исправление.